

19 Mehefin 2023

All Wales Imaging Quality Forum

Annwyl AWIQF,

Strategaeth i Ddatblygu Model ar gyfer y Gweithlu Radioleg yng Nghymru.

Yn ystod 2021/22 bu Addysg a Gwella Iechyd Cymru (AaGIC) yn cefnogi Grŵp y Gweithlu Delweddu ac Addysg (IWEG) a'r Rhaglen Delweddu Genedlaethol i ddatblygu'r ddogfen atodedig *Adeiladu Model ar gyfer Gweithlu Delweddu GIG Cymru – Strategaeth i Ddatblygu Gweithlu Radioleg ar gyfer Cymru.*

Bu Addysg a Gwella Iechyd Cymru yn cefnogi Grŵp y Gweithlu Delweddu ac Addysg i ymgysylltu â Byrddau Iechyd ac Ymddiriedolaethau ar draws Cymru i ganfod y rhwystrau a'r cyfleoedd wrth weddnewid y gweithlu Radioleg ac i wella'r sgiliau ar gyfer datblygu cynlluniau gweithlu lleol gan ddefnyddio dull cyson GIG Cymru o gynllunio'r gweithlu. Y dull a ddefnyddiwyd oedd dull 'o'r gwaelod i fyny', lle bo sefydliadau yn gwneud gwaith cynllunio'r gweithlu yn lleol a chafodd deilliannau'r gwaith hwn eu bwydo i'r trefniadau ar gyfer cynllunio'r gweithlu cenedlaethol i sicrhau y gallai unrhyw atebion gweithlu a ddewisir gael eu rhoi ar waith yn lleol gan ystyried tebygrwydd a gwahaniaethau'r sefydliadau.

Y 'Strategaeth i Ddatblygu Gweithlu Radioleg ar gyfer Cymru' yw'r deilliant cyntaf yn y broses o greu Model ar gyfer Gweithlu Delweddu GIG Cymru. Mae'n cyflwyno'n fanwl y themâu allweddol a gododd yn ystod y gwaith ymgysylltu hwn, a'r themâu a gododd o ddadansoddi deilliannau'r gwaith a wnaeth pob sefydliad i gynllunio'r gweithlu ynghyd â'r gwaith a wnaed ar lefel genedlaethol. Mae hefyd yn ystyried y cyd-destun strategol a'r llenyddiaeth bresennol ar ail-ddylunio'r Gweithlu Diagnostig.

Mae'r Strategaeth yn cyflwyno nifer o argymhellion i gefnogi a hwyluso'r gwaith o ddatblygu gweithlu Radioleg cryf, cadarn, a chynaliadwy i'r dyfodol. Mae'r argymhellion hyn yn gofyn am ddull cenedlaethol a lleol o weithredu er mwyn sicrhau bod y manteision yn cael eu gwireddu i'r cleifion a'r staff.

Mae'r Rhaglen Delweddu Genedlaethol wedi ymrwymo i fod yn gyfrifol am reoli a gweithredu'r argymhellion hyn drwy raglen waith, gan gydlyn a bwrw ymlaen y gwaith o weithredu'r argymhellion y mae angen rhoi sylw iddynt yn genedlaethol, gan roi cefnogaeth hefyd i Sefydliadau gyda'r gwaith o weithredu'r rhain yn lleol. Er mwyn gallu cyflawni'r rhaglen waith hon, adolygwyd rôl yr IWEG; gyda chylch gorchwyl newydd, bydd Rhaglen Trawsnewid y Gweithlu Delweddu ac Addysg (IWETP) yn goruchwyllo'r gwaith cyflawni ac yn darparu strwythur ffurfiol ar gyfer gwneud y gwaith hwn, gan weithio â phartneriaid fel AaGIC lle bo'n briodol.

Y weledigaeth amlinell ar gyfer y rhaglen hon fydd:

“Creu gweithlu cryf, cadarn. Cefnogi staff i gyflwyno gwasanaethau'n dda. Sicrhau dyfodol cynaliadwy i'r gwasanaethau delweddu.”

Mae cam nesaf y gwaith eisoes yn mynd rhagddo gyda chynllun lefel uchel cychwynnol yn cael ei lunio a chaiff ei gynrychioli gan bedair ffrwd waith allweddol:


- Cynllunio'r Gweithlu
- Datblygu a Safoni'r Gweithlu
- Seilwaith Digidol a Thechnolegol
- Y Gweithlu Delweddu Ehangach

Y strategaeth hon ar gyfer datblygu'r gweithlu yw'r cyntaf o'i bath i'r Gwasanaethau Delweddu yng Nghymru. Mae'n ffrwyth llafur llawer iawn o gydweithredu rhwng y Rhaglen Delweddu Genedlaethol, AaGIC a'r Gwasanaethau Radioleg yng Nghymru. Er mwyn cyflawni'r weledigaeth hon, bydd gofyn cydweithredu a chynllunio'r gweithlu yn barhaus ar draws sefydliadau; felly, gofynnwn am eich cefnogaeth a'ch ymrwymiad i fwrw hyn ymlaen.

Yn gywir



Steve Moore
Uwch Berchennog Cyfrifol, y Rhaglen
Delweddu Genedlaethol



Alex Howells
Prif Swyddog Gweithredol, Addysg a Gwella
Iechyd Cymru